

17. januar 2019

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara. Naalakkersuisunut apeqqut:

**Cannabis olie nunatsinni pisiniarfinni pisiassaalernikuvoq sooruna Atlantikoq qulaallugu timmisartorsimagaanni Cannabis olie nunatsinnut eqqunnissaa ilanngaaserisunik inerteqqutigineqartoq?**

(Inatsisartuni ilaasortaq Doris J. Jensen)

**Tunngavilersuut:**

Siusinnerusukkut Peqqinnissamut Naalakkersuisuunerma nalaani Naalakkersuisoqarfinnut misissortippara peqqinnissaqarfiup iluani Cannabis olie ammaanneqarsinnaanersoq. Tamatuma kinguneranik Cannabis olie nakorsaanermik ammaanneqarpoq annerusumik politikkikkut akuliuffigineqanngikkaluarluni. Nakorsanik aaliangiiffigineqartarnissaa aaliangiunneqarpoq, nakorsat qulakkiissamassuk Cannabis olie akuata ajortuunnginnissaa aammalu inunnut eqqortunut tunniunneqartarnissaa. Kingusinnerusukkut paragraf 37-rtoqarmat paasivarput nunatsinni innuttaasut ikitsuararsuit Cannabis olie napparsimavimmit akuerineqarlutik atugarigaat.

Massakut uunga killippugut, Cannabis olie napparsimavimmi nakorsat aaliagingaannik pineqarsinnaavoq aamma pisiniarfimmi kikkunnilluunniit pisiarinqarsinnaavoq taamaattorli nunatta avataaniik timmisartorlutik nunatsinnukartut Cannabis oliemik eqqussisinnaanerat ilanngaaserisunik inerteqqutaalluni.

Tamanna tunngavigalugu Naalakkersuisut qinnuigerusuppakka nunatsinni innuttaasut qanoq pisinnaatitaaffeqarnitsinnik nassuiaateqassasut.

Kissaatigaara apeqqutiga ullut suliffiusut 10 ingerlaneranni akineqassasoq.